

扶星運開泰一門寧謐老者安少者懷九祖
升遷存者神過者化何灾不滅有願皆符臣
等共沐餘波人道咸沾殊利千古流傳於經
教八荒絕滅於鬼妖如上禱祈悉千靈壽為
上良緣稽首皈依志心稱念太上三尊十方
衆聖玄中大法師伏魔經壇上聖高真無無
上真贊歎不可思議功德

○ 北帝伏魔經法建壇儀

伏魔經壇謝恩醮儀

法事

白請師文

恭以寶篆氤氳一縷之香烟乍起瑤壇燁燁
九華之燈燭初燃天書暫闕於紫宮誠意猶
存於菲禮欲攀迎於

上帝先開告於真師遙望玄都修齋奉請

宗師

修齋行道奉請祖師降臨壇所

真師

舉雲舉

法師長跪奏對如法

門下具法職姓某誠惶誠懼稽首頓首再拜
上言伏聞原神道設教之妙莫不於師推博
施濟衆之仁無過於法故行經教舉揚之際
必賴師資默佑之功有聞必先無文不度恭
炷真香一心啓告

伏魔啓教聖師孫君閔君真人保舉師盧靖
張真君嚴教祖師了源柯君真人弘教祖師
三十五代天師觀妙張真君宗師三十六代

衆十

天師冲和玄靜張真君宗師四十二代天師
冲虛張真人伏魔演派諸大師真恭惟
諸位師君神威速振聖道無方開化凡愚懸
一輪之道月主張教範振萬古之宗風百官
千將盡屬指揮三界萬靈悉皈糾察凡有祈
禱敢不奏聞恭對

清光俯陳丹悃

宣齋意

心詞真實聖鑒匪違諒沐師慈必垂省覽伏
念某教門末學濁世凡愚識淺才疎徒切心
存於真一炷庸質濁豈能神會於玄微暨想
念之外說與言詞之鄙陋行持有誤乎應難
期必賴聖眼同明法輪大轉俯從凡懇真輶
降幸於人間保奏
帝庭法澤沾濡於天地庶俾某思真念道歲
教行科悉獲感通以臻報應伏願真靈下盼
道炁冥扶實座敷時冀九龍飛步萬魔奔走
瓊科啓慶俾三界侍衛五帝司迎果副所祈
不忘大德但某誠惶誠懼稽首頓首再拜謹
言

唱道 旋遠

上香 入戶

各禮師存念如法

五星列照 煥明五方 水星却灾

木德致昌 榮感消禍 太白辟兵

鎮星四據 家國利亨 名利玉簡

字錄帝房 乘輿散景 飛騰太空

出入冥無 遊宴十方 五雲浮蓋

招神攝風 役使萬靈 上衛仙翁

鳴法鼓二十四通

无上天五靈玄老黑炁真皇大道君當召

出臣所佩法錄中神仙官將伏魔五帝直符

專將張包謝黃李五大天丁太玄夜光青腰

玉女飛龍飛虎騎吏奏事仙官出出者嚴裝

關啓此間土地里城正神臣今設醮行科燒

香奏為齋意以今關盟三界普告十方願得

太上正真道炁下降流入臣等身中令臣心

廣體胖神清氣爽忱詞上達景貺下孚傳臣

所啓之誠速達徑御

无上三天七皇上帝伏魔洞微天尊衆真佛

前

請稱法位

具位臣某謹上啓

金闕九清上帝大羅十極高真諸天上帝星

斗群真經壇與降四府群真恭望

洪慈洞開靈鑑臣聞

大道無情萬物遂生成之化聖人有作群生

蒙覆護之恩自洪濛未判之先有曲成不遺

之者大而開天闢地魏魏乎有成功小則利

物濟人綽綽然有餘裕惟我

祖師伏魔大帝道宗三境位列九清為中天

萬乘之尊主下土兆民之命昔在龍康之劫

時當甲午之年魔魁興妖生民天闕承

元始之降密旨摧破鬼營佐

玉帝以福黎元咸躋壽域由是地絕妖塵天

無氛穢至今光華日月咸鎮乾坤經宣金口

之中教聞塵寰之內昭昭靈跡赫赫玄功凡

有禱以必通悉無求而弗應今則座排寶位

案列菲儀燈然萬象之森羅燭幽破暗香藜

五雲之縹緲達信通誠既圓十品之真詮尚

欲三陳於薄禮六甲威靈廣瑞檢琅書暫閱

於天宮萬魔奔走聽神符儀仗分臨於懸席

密運龍鸞之御頤款對類之誠臣等瞻望天

塔恭迎

聖駕

請班 降聖

安座 獻茶

臣謹重誠上啓

虛無金闕七皇上帝北極神霄帝君諸天尊

輔上壇高真臣聞人生斯世命屬上天脫脫

其仁共稟陰陽之化高高在上難逃生殺之

權倘操修有昧於靈臺而報應定膺於憲經

漂沉諸趨淪沒三途幸祖師垂經教之科俾

後世知修穰之目遷善改過請福延生以今

某德荷鈞陶身蒙覆兼用飯從於經教敬投

設於法門酌水獻花然燈像斗舉壺觴而陳

三獻披肝膺而避寸忱綠蟻黃封護貢人間

之薄味珠官貝闢自多天上之流霞聊寓小

心以酬大德伏願

諸天稱慶三界侍軒秩秩初筵如大會玉京

之日巍巍大範常願親實忝之女拜首高真謹陳初獻

樂法以為妻

臣謹重伸上啓

主法中天北斗三光列曜星君上界群真中壇列聖巨闈日月后為上天列宿之尊斗極星垣司下土群生之命運樞機於不測示光彩之無私以及法賜諸曹泰玄三省莫不恢張萬範調理四時輔相天地之宜主宰鬼神之事宣其悉而張其教戒用休而董用威居高聽卑彰善擯惡以今某生蒙宰制日荷照臨深慮流愆海而趨愛河徒為生中土而過正教敬崇玄範用格琅書是再酌於清醕以悉昭回於皇覽三島神仙客既昔陪於瑤池一盃羅浮春更上陳於玉陛獻

上帝松花之義劫野人芹藻之忱伏願享于克誠錫之多福靈章出世觀落落之高張酒星在天燦煌煌之曜景無任惶懼亞獻清觴

罄禮家國盛

臣謹重伸上啓

鄧郁位嶽水國陽間經中無鞅神仙壇下合

千帥將巨聞上帝權衡盡屬百司之主宰下

民罪福難逃衆聖之詮量道德崇高神明渺

漠雖離在官肅肅在廟正直無私溷濁混其

淵浩浩其天監臨有赫或主玄籍掌青律或

窮碧落下黃泉陪上界之真人為神仙之官

府莫不除邪輔正出幽入冥誓以濟死度生

隨方歲化以今某風沾教雨久沐玄風念道

思真愛舉行於教典避凶趨吉期回結於善

根三獻潢汗再陳丹悃懇懇歎懼深墮於

高明巍巍堂堂諒不嫌於微陋與其潔也表

而出之清者聖而濁者賢固難品藻澄其心

而造其慈極切傾葵伏願聽於無聲叩之則

應玉聲對元醴發一時事帝之忱仙兵護道

場仰千歲伏魔之教酒終三獻禮盡一心

大道洞玄虛

禮畢三行徒寓小心之翼翼罪當萬坐難逃

天網之淡恢仰惟大德之好生為此下民而

飲福仰祈

洪造少寓微誠圓滿心詞謹當宣奏

宣詞

具如詞旨已罄敷宣諒沐天慈必從凡懇

伏願赦過宥罪滌垢蕩瑕勅下禁微官功

圓靈寶藏瓊瑤振響梵炁彌羅金童散花

玉女執巾魔王敬形鬼妖滅爽仍冀某身

沾法澤青編紀福壽之書生過昌時黃道順

星躔之次無所不禳無所不度悉符經旨之

不殊必得其祿必得其名咸契道言之無量

次冀巨等道心開發法性圓明常瞻御座之

浮空風雲慶會共觀龍章之行世日月同明

陽長陰消天清地肅四海樂升平之化群生

躋仁壽之鄉謹啟以聞

獻狀 三禮 十二願 誦經 宣疏

重稱法位

具位巨某謹重誠上啓

金闕九清上帝大羅十極高真諸天上帝星

斗群真經壇與降四府眾真恭望

洪慈洞開靈鑑巨聞

帝座中天居其所而衆星拱真經垂世係玄

科而萬劫傳既獲親於靈文實可為於大幸

重念臣等凡籠濁質下土行屍濫叨祭酒之名莫稱持經之任言辭庸瑣儀範麤疎戰戰兢兢懼難逃於斧鉞魏魏蕩蕩諒不責其草茅監此微忱弘施巨澤小善必錄鼓化筆以覃恩大德曰生幹洪樞而錫佑今則香銷寶鼎燈謝銀缸淺淺蝸廬難久淹於仙仗皇皇龍馭亦將返於玄都攀戀无由喜懼交切傾光廻駕肅瞻天上之麒麟卧轍攀轅空聽雲中之鷄犬所願罪銷臣等福集齋官省其蒙瀆之愆錫以泰來之祉博也厚也高也明也莫盡贊揚之私庄之直之輔之翼之永賴幃幃之賜無任惶懼奉送高真

修齋事畢

雲輿已返

存神燒香

香官使者左右龍虎君侍香諸靈官當令臣設醮之所自然生金液丹碧之英百靈衆真交會在此香火鑪前當願臣等學道得道求仙得仙齊官蒙福合室沾恩十方仙童玉女接待蘭庭向來所啓之誠速達徑御

无上三天七皇上帝伏魔洞微天尊衆真御前

解壇頌

伏魔經壇謝恩醮儀



二經同卷

北帝說豁落七元經

七元真訣語驅疫秘經

群一

北帝說豁落七元經

是時元真登紫金堂鳳樓閣說三元品目拔度群生令知報應是時三清凝炁日月朗明三光振肅靈禽鼓吹天真並會時有北方九天大真人乘星步斗單錦雲衣一時詣座願為衆生說延生保命之法演乎中國祛魔滅精消災度難援濟困篤善得安靜願帝普宣告及天下邪魔令知罪源盡生善念不害於衆生日有所益

天尊告白三界之上北帝大魔王下治在北海天地北方羅鄧絕頂之山山高二千六百里周旋三萬里內外皆七寶堂室生七寶宮亦盛都也皆主知萬民生死之籍天下鬼神莫不由也

北帝言我之極位統三十二天之總司綰諸